



UNIVERSITÄTS-
BIBLIOTHEK
PADERBORN

Universitätsbibliothek Paderborn

Triumphvs Sacer Sanctorvm


Halloix, Pierre

Antverpiæ, 1617

Ad Lectorem Catholicum.

urn:nbn:de:hbz:466:1-44013

 Ad Lectorem Catholicum.


 A semper fuit Christianorum inter sese vis amoris atque caritatis, ut qua ad verae fidei cultum & Dei Opt. Max. gloriam rariori quopiam facto velut clariori radio in lucem emicarent, ea non mutuis modo colloquijs privatisque sermonibus inter sese prouulgarent, sed litteris quoque & scriptis ad absentes suos fratres ac totis à se regionibus regnisq; dissitos ac diuisos, quadam sancte societatis ac germanitatis lege transmitterent. Quod cum ceteris in rebus factitari vulgo solitum acceperimus, tum praesertim in ijs quae ad martyrum illustres pugnas palmasque, eorumque cultum ac venerationem attinent, diligentius factum esse certo scimus & crebro legimus. Nimirum credebant vetustissimi illi & Christianam caritate plenissimi religionis nostrae duces tum se integra ac solida gaudia percepturos cum ea in eiusdem fidei socios semotam inuidiam deriuassent. Atque haec est causa cur & nos horum exempla imitati hodie manum stylo admouerimus, quo scilicet publice illius letitiae, quam multi mortales nuper Duaci in sanctissimorum Martyrum translatione maiorem in modum letati

su-

sumus, cōsortes eos faceremus quos talibus capi
honoris diuini in auditu uinculis minimè igno-
ramus. Videbis porro benigne lector, si attēdas,
tam ex Duacensis, quàm ex Atrebatensis po-
puli ad SS. Martyrum T E R E N T I A N I
eiusque socij venerādas reliquias unanimitati
consensu atque confluxu, quanta hodie in hisce
terris Christiana pietas religioq; uigeat, discesq;
eādē operā, quo ritu coli, quā ceremoniā
transferri, quā pompā deduci, quo per itinera
occurſu honorari, quo plausu excipi, quo appa-
ratu seruari Diuorū corpora ac preciosē Mar-
tyrum exuuia soleant. Nihil enim in tantā
honorum effusione & ornamentorum magni-
ficientiā admissum esse ostendetur, quod non
antiquis prisce Ecclesie ritibus ac ceremonijs
maximè sit consentaneum. Quę cum leges, tum
memento & tu in partem gaudij, imò com-
modi atque fructus gaudendo & congratulando
accedere. Cū enim spiritu Dei omnes
de ieiunio agimur, non illa solum nostra sunt (inquit
7. mensis. B. Leo) quę ipsi gerimus, sed etiam illa
de quibus in aliorum actione gaudemus.
Ut si ars quepiam reperiat, quā certo furtiue
fascinationis genere aliena segetes in tuum fun-
dum cum iniuria Domini transferantur, ei
certè maleficio hec forma ratioq; caritatis ue-
lut è diametro sit opposita, quā tibi plurimum
commodare, nihil cuiquam incommodando,
&

*& aliena bona nullo veri possessoris detrimento
tui iuris facere valeas : nimirum si de secundis
ei successibus gratulere : si letis oculis copiarum
incrementa aspicias , si eorum largitorem Deum
laudes ac predices. Cum huiusmodi ergo aurea
celestisq; originis caritate ut ad spectaculum
exhibendi mox in hac velut arenam chartaceam
triumphi TERTENTIANI iam olim in
caelo acti , nunc autem in vrbe Duacensi post
multa seculorum curricula felicibus ipsorum
Diuorum auspicijs repetiti , benignus adsis , te
inuito , atque ut pompam apparatusq; vni-
uersum exporrectam fronte inspicias , rogo. Ita
amicus Dei & Sanctorum sis & viuas.*



Ad Lectorem à fide extraneum
Prologus Galeatus.

VT rudis est atque inconsiderati ea modo
qua ante pedes sunt , interq; manus , at-
tendere , usque herere solis & immorari : ita
sapientis & circumspicere , ea que accidere in fu-
turum possunt , multo ante prospicere , longeque
adhuc abstantibus incommodis certam animi
providentiam occurrere. Unde ego futurum pre-
cogitans , ut hic libellus (qui quanto minor ,
tanto iniurie propior) in nonnullorum à fide
riti-